



ALTERNATIV DEMOKRATESCH  
REFORMPARTEI

**Groupe parlementaire**

Lëtzebuerg, de 15. November 2017

Depot: Här Fernand Kartheiser

## MOTIOUN

D'Chamber ass

- iwwerzeegt, datt de Lëtzebuenger Schoulsystem déi Jonk soll zu Perséinlechkeete mat erzéien, déi als fräi Bierger zum Liewen an zur Stärkung vun eiser Demokratie solle bäidroen;
- der Meenung, datt et dowéinst wünschenswäert ass, fir si, während hirer Schoulzäit, mam Wiese vun der Argumentatioun bekannt ze maachen a si ze léieren, eng Thematik vu verschiddene Säiten ze betruechten an ze argumentéieren;
- iwwerzeegt, datt och kontrovers a lieweg Debatten zur demokratescher Bildung bäidroen, bei deene ganz verschidde politesch Usichte kënnen virgedroen an diskutéiert ginn;
- besuergt doriwwer, datt an de Schoulen net méi genuch Dissertatiounen geschriwwen ginn, fir deene Jonken eng Gewunnecht an der Argumentatioun ze vermëttelen;
- och doriwwer besuergt, datt bei deenen Diskussiounsronden oder Evenementer mat Participatioun vu Politiker, déi an de Schoulen organiséiert ginn, de politesche Pluralismus dacks net respektéiert gëtt.

D'Chamber fuerdert d'Regierung dowéinst op:

- déi demokratesch Bildung an de Schoulen ze verstärken, besonnesch doduerch, datt nees op deene méi héije Klasse solle méi Dissertatiounen geschriwwen ginn;
- den demokratesche Pluralismus an de Schoulen och doduerch ze ënnerstëtzen, datt Verrieder vun alle gewielte Parteien un den Evenementer vu politescher Natur, wéi z.B. Diskussiounen, Ronndëschgesprécher oder Presentatiounen mat Participatioun vu Politiker, déi an de Schoulen organiséiert ginn, kënnen deelhuefen;
- d'Kreatioun vun Debattéierclibb, z.B. nom Virbild vun de briteschen "debating societies" an de Schoulen ze favoriséieren.